

宋詩紀事補遺

宋詩紀事補遺卷之二十八

歸安陸心源伯



呂頤浩 厲有

次韵台守晁子真見贈

去歲乘桴暫得閑，忽驚三命促登壇。
向來疆健思投筆，老去衰遲懶據鞍。
玉帳夢回烽燧曉，水鄉春盡鐵衣寒。
海山深處幽棲地，爲我經營始掛冠。

次韵沈元用游天台三首

出處何勞問大鈞，如公材器略鋪陳。
談兵玉帳詩書帥，演誥綸闈待從臣。
萬疊名山聊寓目，一方仙宅勿

藏身中原未復須留念先入夷門漸入秦

山居猶不厭山行石磴欹危步履輕夾路不聞雙闕
在幽巖應有五芝生春寒未放遷鶯轉風暖先催布
穀鳴我欲營茅留俗駕無貲誰寄孔方兄

前麾轉綵陣旗紅二紀窮邊一夢中曾擁琕戈思卻
日屢乘鐵馬聽嘶風誰憐老去三春病自覺閒來萬
慮空滿路落花歸雁後勿令書疏不相通

次韵台守劉仲忱

瓦橋傾蓋暫徘徊白渡江南跡屢陪衰謝未能高隱
去依棲還傍故人來青蒲諫諍推公望皂蓋承宣屈

大才但恐政成公促召異時懷抱向誰開

登巾子山寄懷韓嗣夫

幾年踪跡共飛沈自渡江來幸盍簪奉使久違常恨
別閑居無夢不相尋勸功鐘鼎經綸志混跡漁樵老
退心籬菊正開家釀熟一罇何日得同斟

將至天台馬上口占

東歸頓覺馬蹄輕竚望天台景色新遙想故園芳草
盛一番桃李又烘春

次韵郭傳師寵寄閑居之什

小隱丹丘郡安閑世慮空運籌邊閫帥昭代將家風

牙帳霜矛白賓筵舞袖紅何時同把臂醉伴釣魚翁
以上天台續集別編

陳鵬

字圖南元祐元年梓州路轉運判官擢京西轉
運副使

隆慶

五丁盡力通泉路百貨東來蜀道貧本以糞牛欺遠
俗安知指虎有強臣

句

桔柏江聲猶在耳木瓜園路已侵山
以上輿地紀勝

周沔 屬有

湯泉寺

雁門泉水熱於湯清淨源從古道場應笑驪山山下
水至今猶帶粉脂香

建康志

孔舜亮

孔聖四十六代孫元祐二年中散大夫致仕柱
國會稽縣開國伯

手植檜

聖人嘉異種移對誦絃堂雙本無今古千年任雪霜
右旋符地順左紐象乾綱影覆詩書府根盤禮義鄉

盛同文不朽高與道相當洙泗滋榮茂龜蒙借鬱蒼
毓靈全木帝鍾秀極勾芒氣爽羣居席烟凝數仞牆
陰連槐市綠子落杏壇香布露周千尺騰凌上百常
傍欺泮林小遠笑嶧桐黃屹若擎天柱森如出日桑
風中雕虎嘯雲際老龍驤直欲驚魑魅端疑待鳳凰
鱗差闕鞏甲幹錯羽林槍大節忠臣槩堅心志士方
魯宮侵不得秦火縱何傷宣子休誇樹姬人漫愛堂
松卑虛視簪花賤杜封王誰念真儒迹何當議寵章

湖里志

孫發 屬有

宇妙仲豐城人元祐三年進士補崇仁尉後知

永豐縣以母老致仕有敷山集

截臂行

發尉崇仁時民有盜宗人財被執而父病死乃醉其弟斷一手以訴於州

誣宗人殺其父發力白乃免作截臂行

吾聞兩臂重於天下不可廢知之不必子華子愚民
氣焚胸一念敢趨死以死視四肢截臂如去指嗚呼
巴陵之民何以有此風疾痛利害人所同甘心一臂
捐冀壞終身廢臥閭閻中前年截臂渠得理今年截
臂吾亦爾村南截臂殺平人村北魚咻還比擬虺虺
民虺虺民心若此非吾人有冤自可次第訴毒人何

必殘其身聞者莫驚喧此弊吾能言其初姑胥吏不
與杜其源嗟哉惡俗傷仁厚明明有冤宜勿受一姦
不濟百姦消其致和平俾在宥

江西詩徵

黃得禮

字執中洪州豐城人元祐三年進士累官鼎州
桃源尉虔州興國令柳州軍事推官見其子彥
平三餘集所爲行狀

宿皇恐灘

倦客逢長至扁舟泊遠灘居常諧寂寞童稚笑相歡

三餘集

慕容彥逢

字叔遇宜興人元祐三年進士調銅陵主簿復
中詞科遷淮南節度推官崇寧元年除秘書省
校書郎歷官尚書卒謚文定著有摘文堂集

爲陳秀才題墨妙堂

寶池當几潤滑并蟾蜍玉竇寒泉傾墨花泛泛花腳
輕雪牋皎皎月色明凝然嗣將先管城一掃神怪
吁難名騰龍舞鳳相回榮倒日懸星艸隸行或如縣
崖倚孤撐又如脫兔馳萬兵猿攀虎怒勢力爭鯨奔
蜃駭波浪驚篆斯隸邈艸伯英鍾蔡衛索更品評逸

少兼之集大成寥寥千載無與京鼠鬚蠶繭秘跡精
玉華遺言同誓盟埋藏不計申與庚模稜間出相光
晶太巨佳士天氣清訪求寶字金滿籛編聯軸卷紛
縱橫名家諸妙皆有聲文餘高致超八閎深求眾法
窺忘情會當臨池染澄瀛銀鈎萬字揮崢嶸

貢院卽事

自崇寧癸未叨備從班距今十有四年間
五知貢舉文官花在試廳前

文官花畔揖羣英紫案香焚曉霧橫十四年間五知
舉粉牌時拂舊題名

次韻阮承書詠桃花菊六月開

怪來籬下欲成蹊，菊似桃花賞客迷。
溽郁雖同彭澤，遙嬌紅全是武陵溪。
露沾宿蘂金絲潤，日炙繁英玉葉低。
占斷春光與秋色，薰風特地與留題。

摘文
卓集

蔣白

毘陵人元祐三年進士

題禹廟

大禹歸天後，南惟此廟存。
屋腥龍挂影，巖墨電燒痕。
祀祭雲間火，春顰浪裏門。
到今疏鑿水，敢不向東奔。

會稽掇
英集

史聲

如皋縣人孝子元祐三年進士

送別嚴希孟

歲暮送行舟寒烟古渡頭
渚禽衝客起野水帶冰流
經史探深趣江山屬壯遊
莫將和氏璧輕向暗中投

題定慧寺

寺名定慧知何代橋古碑橫不記年
古樹亂鴉題曉照故園新蝶舞春烟
十層寶塔化塵路五花雲衢散上天
惟有玉蓮池內水滄浪深處老龍眠

中禪寺句

施食池腥龍戲鉢長明燈暗鼠偷油

五山書
舊集

馬存厲有

浩浩歌

浩浩歌天地萬物如吾何用之解帶食太倉不用拂
枕歸山阿君不見渭川漁父一竿竹莘野耕叟數畝
禾喜來起作商家霖怒後便把周王戈又不見子陵
橫足加帝腹帝不敢動豈敢訶皇天爲忙逼星辰相
繫摩可憐相府癡邀請先經過浩浩歌天地萬物如
吾何屈原枉死汨羅水夷齊空臥西山坡丈夫犖犖
不可羈有身何用自滅磨吾觀聖賢心自樂豈有他

蒼生如命窮吾道成蹉跎直須爲吊天下人何必嫌
恨傷邱軻浩浩歌天地萬物如吾何玉堂金馬在何
處雲山石室高嵯峨低頭欲耕地雖少仰面長笑天
何多請君醉我一斗酒紅光一面春風和

樂平縣志

釣臺

子陵臺下山層層奇峰壯氣橫雲生處士溪邊水泚
泚碧波明月涵天清老松偃蹇傲世色綠竹蕭洒吟
風聲潮頭百仞出海門飄吳擊越如毛輕飛來灘下
不敢過變作平浪歸滄溟

嚴陵集

郭三益厲有

遊日山

洗光朝日上旋旋瑞色分離此地先門迴帆收江市
密山深龍臥海潭圓靜然柏子聽幽偈閒立苔痕間
小禪莫訝潮平歸渡晚斯遊有意已三年

流花亭

面幽連野色審曲帶城闌但見流花水難尋避世人
蟠桃知幾熟蘚洞謾長春稅駕追前事躊躇要路津
題多福院分翠軒

平生但愛山中寺此日來看竹外山心境頓開清淨
相客塵無復更相關

天台續集

朱詩二十八
題南岳寺

古木陰森梵帝家，簾前一酌試新芽。
官符星火催春焙，卻使山僧怨白蛇。
昆陵志

郭三聘

字次尹祁陽人

澹山巖

憶昔遊澹巖，文社四爲侶。相逢各年少，抱負俱有素。
訓狐聖得知，夜半門已扃。主人知客來，倒屣相告語。
且言龍王神，多有靈異處。慇懃叩科名，志兆齋確許。
未成三先達，陸續霄漢去。轉盼三十載，獨我尙困沮。

行將賈餘勇猶幸有孤注乘興偶重遊寓敬香一炷
再拜問龍王前約何可負朱衣願點頭成就在此舉
擬欲鑱堅珉紀此一奇趣

沅湘耆舊傳

彭天益

攸州人元祐三年舉於鄉崇寧初爲太學博士
出爲湖南提舉大觀中上封事力言權奸誤國
年五十致仕居司空山有瑞麟集

遊司空山

此行疑是入天台雲鎖巖扉次第開未得路通遊紫
府且隨溪轉上丹臺藤蘿映帶皆天設山水潌澗總

地裁果是仙家遺舊跡清奇端不讓蓬萊

沅湘耆舊傳

湖南通志收此詩岩扉作岩扇紫府作赤壁藤蘿映帶作峯巒聚會

劉程 厲有

羅漢閣煎茶應供

寶爐香散曉烟寒淨几供茶遶座看已愛六花金縷

異更驚三啜翠痕乾

天台續集

嚴希孟

如皋縣人博文通史尤長於詩父文式早卒元祐三年母病瘖希孟割股肉炊以啖母其疾遂痊人稱嚴孝子

連珠池

小橋通南浦夾道桑榆綠水繞若連珠風傳芰荷馥

五山齋

舊集

馬城

字中玉荏平人父仲甫宋史有傳元祐四年右
宣德郎提點淮東刑獄六年兩浙提刑紹聖三
年通直郎知湖州改潁州元符元年奉議郎知
陝州以元祐時言元豐事文致鍛鍊降爲通直
郎二年湖北轉運使二月以安惇言依舊知陝
州十二月權陝西轉運使建中靖國元年承議

郎知荊州山谷自蜀出陝留荊州待辭免乞郡
之命與中玉相從甚歡有次韻荅馬中玉次韻
中玉梅次韻中玉水仙花諸詩承天寺僧智珠
乞記于山谷記成戒飯諸部使者于浮圖下環
視山谷書碑碑尾但云作記者黃某立石者馬
某而已閩人陳舉與轉運判官李植提舉常平
林虞相顧遽請于前曰某等願託名不朽可乎
庭堅不應舉憾之遂以墨本獻朝廷謂幸災謗
國庭堅羈置且州城亦辰州徐寇邊奪官羈置海
州沒于貶所山谷稱其詩有勁氣如李西台詩

亦不草草長短句能道人意中事

登華頂峯

遊山須覽勝八百里天台若不登華頂渾如不到來

天台續集

趙澤

通判滄州權知商州

見彭城集外制

元祐四年兩省同

舉御史見范太史集手記石介有送澤詩見徂

徂集

仙鶴樓

嘉陵天虹飲東海西溪玉帶縈南山諸峯四面羅髻

鬟周遭百里如一環炊煙晚照斜陽裏繁絃脆管東

風起

輿地紀勝

王滌

字長源萊州人元祐五年知潮州學宗韓愈嘗

新愈廟蘇軾爲文俾後政誦法

南澗寺閣

上閣便見海入門方是山塔高端似筆城轉曲如環

輿地紀勝

劉象功

元祐五年知合州

句

千尋雙劒截□斷一片閑雲飛□來

輿地紀勝

黃策

字子虛姑蘇人元祐六年進士累官雍丘主簿
齊州教授元符末上書甚切蔡京銜之崇寧入
黨籍羈管登州赦還爲發運使屬官建炎初除
直祕閣通判嚴州

雙溪驛

已列危巖浮倒影故淙寒碧護孤洲峰回路斷迷征

客雪濺雷奔阻下鷗

昌化志

劉渭

四明人元祐六年進士崇甯元年授荆門軍長
林縣權婺州永康縣

句

庶子泉寒澄雅思陽冰篆古足清心

輿地紀勝

周行已
厲有

玩師求詩歸台州

越鳥棲南枝胡馬依北風人生亦懷土安能長西東
玩公白雲老方丈憑高峰忽爲萬里遊應緣來晨鐘
君看伊與洛二川日溶溶逝者亦如此流轉何時窮

我居謝公山天台一水通莽莽宇宙內那知忽相逢
塵埃識眉宇覺我耳目聰暫來還復去有如無根蓬
令我長歎息不得久相從側身雞鶩羣仰羨高飛鴻

天台
續集

石公隱

字國佐越州新昌人初名公輔元祐六年進士
徽宗賜今名歷官御史中丞官至述古殿大學
士兵部尚書宋史有傳

遊日山

嵐光咫尺見山扁候得潮來一葦輕慘慘晚堂看白

色森森古殿對江城風敲寒玉驚僧睡巖落澌冰認
雨聲不是平生曾到處因緣今日此中行

題樗軒綫泉及聞琴

竹引高山一綫泉細如絲髮亦涓涓莫嫌此去滄溟
遠流水更聽琴上絃

題無垢院

沿磴穿嵐造竹扉一軒幽敞坐忘機池鑲瓊骨容清
泚凭檻時看翡翠飛

淨界曾無一點塵風疏松竹響天真從來此意少人

會只道林間無至人

天台續集

題北山松軒

梢雲阻日引清風抱石盤根造物工
凌厲四時同一色不知何歲植巖中

遊嘉祐院登般若臺

縈回巘岫擁高樓飲海擎雲走翠蚪
欲問此臺名般若一輪明月照中秋

以上天台續集

遊巾子山諸刹

杖策遊山寺終朝事討尋地危倚石磴
殿古倚雲岑曲徑行松杪禪房過竹林
奈何幽興在他日更登臨

天台別編

晁端中

字元升澶州清豐人元祐六年進士累官雄州防禦推官知潁州沈丘縣

失題

安得龍山潮駕迴馬湖水水從樓前來中有美人淚
浮沚集晁元升集序

閻與道

鄱陽人元祐六年進士大觀二年奉議郎知無

錫縣

遊虎邱

高僧足一邱門外漫維舟車馬倦塵境林泉清晚秋
石分秦劍利雲伴女墳愁回首羣鴉暮飛鳴丈室頭

虎邱

志

鄭道

一作事道

莆田人元祐六年進士知邵武軍

白雲亭

天風吹我上齊雲小澗清從石乳分濯罷塵纓吾欲

忘白雲滿地未斜曛

泉州府志山川

嚴武

連州人元祐辛未進士累官朝散大夫知南恩

州

上郡守

一陣春風散曉霞使君千騎擁高牙太平天子加崇

重見說瀛洲已草麻

粵詩
蒐逸

張元仲

元祐六年知黃岩縣

象鼻岩

會入蒼舒萬斛舟至今鼻準醅清流君王玉輅催行

駕安得身閑伴白鷗

臨海
縣志

袁百之

字必疆河南雍丘人登進士調蓬州掾歷河東
從事積官至左奉議郎元祐六年卒年四十四
嘗作樂不遇賦東坡見之笑曰不見此作久矣
見學易集卷上

次東坡韻

長江雪浪過樊口西山翠插天崔嵬

輿地紀勝

郭正

江西龍泉人元祐八年解試

姜相峯

青山爲主身爲客主人借客青山宅白雲自在千里

飛長松不換三冬碧藤枯誰與寫作龍龜老何年化
爲石落花流水發源深鳴雁過江悲晚色家無妻子
心無累頂冒寒霜踵藏息月明舞影聊盡歡一点塵
寰不留迹儻來軒冕真可嗟朝爲公卿暮逋謫屈原
賈誼爾爲誰問君何似青山客

泉州府志

鄭琬

元祐八年知桐廬縣嘗刊釣臺集

合江亭

別有丹青圖不得數聲漁笛月明中

桐廬縣志

時孝孫

安陸人元祐八年廣東轉運判官

北歸挈家游碧落洞因留一絕

昔經龍洞看飛泉正練穿巖落半天今日挈家來碧
落蕭然秋色滿晴川

廣東通志
金石略

李兢

字世京濟州金鄉人父定工部郎中直史館江
西轉運使兢以蔭太廟室長累官開封尉大理
寺丞通判徐州兗州遷朝散郎知成州元祐八
年卒年五十八見竹隱畸士集李君墓誌

游碧落洞

遐邇開勝槩
憧憧往來登
共認融結意
獨符仁智心
得侶賞清塵
彌日窮幽深
奇哉周羽皇
雄文無古今

韶州府志

邢恕 屬有

元祐八年責監永州酒稅

華嚴巖

一簇僧房路屈盤
不踰城郭到林巒
何人爲假丹青

手寫入輕綃挂壁看

湖南通志金石略

朝陽巖

巖巔風雨落泉聲
巖下江流見底清
夾岸松筠倒疏

影炊煙漁父近寒城

朝陽巖絕句二首

頽然一睡足巖溜尚潺湲面凡卽山郭寂無人世喧
濯足臨澄碧和雲臥石室淅瀝天風生披襟當呼吸

湖南通志山川

隨州

荆楚西南地清明咫尺天遠山猶帶雪高柳已藏煙

句

雲容山色爭奇口遠水遙天共落暉

句 白雲樓

城隔樓榭與雲平城下溪流見底清

句

渭水帶西城城高廡郡亭

句

隨爲楚西南郡頗富山水

以上輿地紀勝

趙鼎臣厲有

游石橋遇隱者

巨石引飛梁奔泉瀉纖縞行攀石上藤坐聽林間鳥
茲遊既物外此地卽天表曠然脫塵囂率爾慕輕矯
道逢餐霞人邂逅悵幽討絕糧三十年顏色長美好

云此巖上芝可得終歲飽盛談山中趣似欲容吾老
平生苦因循學道真不早憂患日煎熬精神歲消槁
況爲官拘攣而與事纏繞悲歡相乘除失多殊得少
君言曾可思待我婚嫁了

天台續集

過劉阮洞

採藥偶從山裏去尋家卻向洞中歸朝雲暮雨漫愁
絕古往今來果是非

天台別編

余少時嘗種竹於所居之南號竹隱今二十年
矣而隱之志蓋未遂也孫志康善篆嘗欲得竹
隱二字題其上因敘所以爲詩以乞之且呈好

事諸君子各乞一詩以爲舊隱光華

先君昔謝事勇退不待年區中五畝宅郭外二頃田

歸裝無一金買書費萬錢余時老萊衣方冠絕可憐

賜第殿東廂棄官天北邊

余元祐六年賜進士第調真定府戶曹參軍以親老

不耕耘具甘旨采掇求蘭茝種竹南牆下清陰頗蕭

然謂此可隱矣曰余其老焉人事喜齟齬壯志誠遷

延身遭患難餘仕爲饑凍牽浮舟客江湖伏劍臨幽

燕兒女道路長歲月鞍馬捐一與故隱別遠此成華

顛傳聞籜龍兒一一長刺天出處令人悲太息夜不

眠同舍有孫楚筆勢何翩翩未甘丞相後不許中郎

前何以慰此君
勾子翰墨妍持歸
榜吾隱不翅青玉
鐫異時儻過我
物色揚雄廬貧家
何所有滿林玉碧
鮮渭川已太廣淇
澳空自賢君看青
琅玕知我非臆
仙

崔德符作湖園詩以寄邢子強次韻

吏道如芟絲坐覺
意味少我豈無一
簞當食自不飽
邂逅崔子真霜林
挺孤篠十日九閉
門想見獨傾倒
悠悠四十年識君
恨不早晤言曾幾
何告别驚草草
昨枉湖上作盛贊
池亭好平生邢子
才投分紉與縞
政當樂濠魚定不
驚鷗鳥解榻念君
來此意不待曉

似聞百花洲一雨淨如掃

邢乃湖園主人園中有百花洲

昔官會稽故侍講呂公原明丈請以其孫揆中者娶余之長女旣受幣矣無何揆中與余女未婚而俱卒濟陰簿本中則揆中之弟也近於同舍林德祖處見其所與石子植唱和詩子植又余太學之舊僚也故次其韻因寄呂兼以簡石且請德祖同賦

我昔江湖百憂集侍講寄書猶墨濕婚姻竟作覆手空日月真如跳丸急哀哉大耿已川逝秀矣小馮今玉立詞源江湖浩奔茫句法風騷森出入石耶與我

金石交每懷見君嗟靡及種桑自比俟千戶力田不
願爵一級頗聞杖履約招攜應喜蓬茅助營茸欲討
明珠救子饑老矣安能發蛟泣

送趙延之億送伴高麗人歸國

九州遺跡皆禹功高麗之通自元豐元豐聖人湯勇
智遠交欲斷匈奴臂越裳九譯何自來輶車不動麗
人至至今航海輸國珍稽首朝正禮甚馴吾皇寤寐
率昭考寵以大國升爲賓海上凌秋潮信熟去憑賈
客船如屋詔書揀選尙書郎持節送之恩意縟東藩
北屏世爲鄰久苦誅求夷甚貧願歸筦簞事天子厭

以形勢初無因頗聞天驕國方擾種落攻之天所討
附書憑之問三韓畏頭畏尾何時了天兵弔伐那可
期幽燕本自吾遺黎請將鴨綠釀爲酒來犒王師古
北口

送宋宏甫出守邠州

前年謬入文昌裏堆案簿書黑如蟻左臆右驚去復
來大叫發狂那得止開眼忽見同舍郎英氣律兀髯
而長時於談間出妙語似濯大暑遭風涼自誇才高
足餘刃屢以豪篇相折困我衰嘆惜安可當晉甲未
興齊已邈今年別我西入關意氣崢嶸喜動顏秦山

渭水笑談裏劍閣峨嵋指顧間古公去後風俗好南
畝勸耕農事早一篇七月是圖經不待下車心已了
髯卿故自讀書人想有仁風慰彼民班取新詩一千
首閉閣莫開長飲酒宏甫家成都嘗爲戶部郎余時
官度支相與同舍後自太府少
卿出守

嵐谷道中

汗漫穿巖谷悠悠不計程林鳩呼婦宿驛馬帶駒行
葉落知霜早禾登喜歲成潺湲溪水急未暇濯吾纓

贈如璧長老二首

并序

某昔官太學聞諸生饒節德操行義甚高嘗見

其詩文奇之後二十年出守南陽一日香嚴長老壁公過余氣貌清古有出塵之姿笑謂余曰頗憶太學時否我饒節也余喟然太息自恨其不可及乃作二詩寄之香嚴山中石上出菖蒲葉細如絲髮根節宛轉如龍蛇壁所居庵號倚松嘗約以今秋再訪我於花洲之上故詩招之且以菖蒲爲請

少游太學饒夫子老倚清松壁上人好與惠休爲後嗣直疑賈島是前身浮萍暫聚曾交臂獨鶴孤飛遂絕塵肯念故人今白髮與雲出岫莫辭頻

身爲雲山作主人更邀麋鹿作比隣一齋一粥今禪
伯無姓無名古逸民盡了委緣心似水未捐習氣筆
如神句師石上菖蒲節要度人間八十春

聞蘇叔黨至京客於高殿帥之館而未嘗相聞
以詩戲之

小坡不見二年餘聞到都城信有諸雪裏便同非興
盡魚中不寄是情疎朱門但識將軍第陋巷難逢長
者車別後欲知安否在試憑青鳥問何如

東坡兄弟應制舉日各攜硯一入對廷中而黃
門之硯爲其甥文驥所竇好事者往往有詩文

宋詩二十八
以請余故亦同賦

不見東坡老弟昆文章浩蕩失淵源眉山當日人何在
曲阜他年履尚存試想研磨雖有處欲尋斧鑿現無
痕計功何必慚周鼎會試詞林百怪奔

案此詩宋詩紀事從硯箋錄首尾四句第二句作
年年曲阜履猶存

辛丑二月二十四日以故事被檄詣貢院榜下
訶止觀者五鼓至院前榜未出假寐門臺之上
忽憶秦夷行在院中困作小詩戲之豫約西池
之游秦出當以呈也

不妨骯髒倚朱門坐睡聊醒宿酒醺願我尙猶堪禦
侮逢公那敢更論文水添池面今三尺花減春光已
二分頗許韓非同傳否西城行樂念相聞

不寐

秋光已向鬢毛催寒色仍從枕簟來天外角聲風引
去日邊歸夢雨驚回愁能醉客非關酒老欲隨人不
待媒擬放此身無著處閒時只令且銜杯

以上竹陰
時士集

方叔震

仙遊人元祐六年進士

蛇灣城亦名越王城

聞道騶虞避漢兵
竄身巖谷覲偷生
如雲甲馬今何在
只見良田萬頃平

仙遊縣志

陳備

龍巖人元祐間與劉棠同里俱有詞賦聲志不
混塵俗時人稱曰劉棠陳備漳南賦虎劉旣登
科陳遂隱迹溪南後莫知所終祀鄉賢

隱跡溪南

大不手持卿相印
小無人擁使君符
門前溪水綠如染
好把一竿秋釣鱸

龍巖州志

宋詩紀事補遺二十八

男侍讀銜內閣中書樹藩校

宋詩紀事補遺卷之二十九

歸安陸心源伯剛父輯

高述

字季明鎮江人元祐進士紹聖三年臨海令

賦玉溪寺石菖蒲

玉溪石角尖如鋒山泉噴侵碧玉龍龍髯誰爲不可
識石上菖蒲拳碧葺老根密節穿石瘦細葉如林屯
遠岫百艸爛死事潛萌纖纖獨與冰霜鬪玻璃瑪瑙
春水寒呼兒捧將持銅槃年來青眼志未喪喜君綠
髮能衝冠

玉溪曉步

平生丘壑情此得真忘形
握衣跨石角開道披林坵
日影曉峰翠猿啼山柿青
三潭在何許已約摸重屏

天台
別編

句

謫仙此耐月郎官亦流風

輿地紀勝

高迂

流花亭

輦簷臨古岸玉砌近重闌
指點尋僊路留連勸酒人
水流還似舊花落又逢春
客到升亭下眷言休問津

天台
續集

黃叔敖

字嗣深分甯人廉之季子元祐進士乙科累官
廣東轉運判官徙荆湖北路廉訪使紹興初除
給事中以左中大夫充徽猷閣待制提舉臨安
府洞霄宮歷戶部侍郎進尚書所著有文集奏
議二十卷春秋講議三卷

建炎丞相成國呂忠穆公退老堂詩

今代勳名第一人聊從小築薺松筠風雲天上千齡
運雨露人間萬井春莫倚丘園甘獨樂須知海宇仰

洪鈞行聞勉爲蒼生起袞繡來歸聳搢紳

望隆江左謝太傅功冠淮西裴晉公何事東山却高
臥空餘綠野想遺風矯情鎮物端誰似晚節全身與
俗同再拜祝公口往轍中興周室賴元功

天台別編

雍沼

營山人元祐進士

御書閣

三重神毫曼古稀龍盤鳳戲欲騰飛珍藏今作古山
寶一歲中添一褐衣

仙馬洞

龍駒昔日此昇仙洞掩碑殘不計年勝蹟依然無處
問一僧重鎖薜蘿煙

爾朱真人藥竈

當日先生藥已成便將金井等閒輕迨今遺蹟峯巒
上時有青烟竈下生

遊太蓬景福寺

樓閣參差聳茂林危梯埋徑幾重深周行巖麓四十
里下視井塵千萬尋僧住不生雲水與客遊偷息利
名心若教工部曾經此應徧靈蹤處處吟

營山孫志

錢勰
厲有

睦州秀亭

秀色四時好探春來此亭花初擁檻發山晚與雲青
得僧嚴陵瀨評泉陸羽經歡餘不盡醉鼓角限重局

甘棠棋

樓曲開三面山重合四圍溪衝朝霽出颿竝夕陽飛
芳杜供春望晴雲渡衿衣樊川猶未識清興莫忘歸

高峰亭

苒苒郡城東穿雲入幾重已窮難上路才到最高峰
竹老龍孫瘦泉甘馬酒濃何當來漱石安穩飽疏慵

玉泉菴

簾影隔朝暎雲低晝尚昏山形分嶽翠溪色到江渾
日盡天垂幕歌餘酒滿尊欄干不堪倚歸思斷香魂
玉泉菴

遙派落天潢分崖射壁光山從千古潤江得一源長
風雨無時作珠璣滿谷量溜澗欲誰辯願借易牙嘗
以上嚴陵集

錢伯言

字遜叔會稽人彥達孫勰子

繫年要錄

靖康時徽猷

閣待制提舉亳州明道宮建炎元年開封尹試
尚書吏部侍郎八月龍圖閣直學士知杭州十

月移知鎮江府二年以失守降兩秩三年樞密
直學士充巡幸提點錢糧尋以中丞鄭穀論棄
城事責軍器少監澧州居住言者論不已責海
州團練副使永州安置紹興八年卒于嚴州繫
要錄呂本中東萊集有次韻錢遜叔清江圖獨鶴
圖同賦石鼓文飲酒分韻諸詩

次韻奉和蒙著太尉澹山見示長句

澹巖宛在進江濱多少篇章刻翠珉聞道鳳凰將九
子恰逢花木正中春是日杖遊豈爲知名久歷覽懸
知嘯侶頻林外鳥聲應報客溪頭梅子已生人茆茨

信我無三顧物象因君遂一新試其攜筇採靈草幽

嵐何必與天鄰

湖南通志金石略

建炎丞相成國呂忠穆公退老堂詩

今代麒麟第一功十年勳德與天通豈知樂聖銜杯
地長在重溟倒影中避寵不妨成遠別養花無意在
珍叢角巾私第何須問自有公言滿舜聰

口令台嶽口羣花名圃初成將相家雲母久遮黃閣
座綺疏新照赤城霞調羹梅子生無數渚渚鴻飛去
有涯見說樽前富佳客亦應思我醉時過

天台別編

澹山巖二首

老眼遍四方茲焉眞鮮儷室圖懸磬如天側偃蓋似
誰移巨蟒宅孰受祖龍使祇以澹竹名佳哉亦少味
造化其偶然剗山住深谷近壓瀟湘頭迥據九疑足
千齡隔仙凡跬步變寒燠石田儻可種願受自耕祿
零陵縣志金石

吳師正

元祐中知天台縣

劉阮洞

天台春暖蘭若馨海榴噴血黃鳥鳴風晴雨霽洞天
曉畫屏有路遊人行劉郎阮郎剡溪客結伴窮幽絕

人迹洞口還聞漱玉聲

洞有鳴玉澗也

時有飄英點溪碧

蘿涉水前攀緣瞥見勝景層巒巖天桃瑤草蔓深谷

飛樓傑閣凌青煙潭上金橋跨龍背綽約雙鸞飲潭

水初疑帝子別瀟湘珠珮珊珊移玉趾環姿瑋態躊

躇久熟視人間未嘗有羅幙深沈邀客留胡麻爲飲

椒漿酒問郎於此何當還壺中景迥非塵寰客驚遽

返覓閭里子孫雖在皆重玄年華瞬息嗟浮世往事

分明如夢寐相與迴尋舊路悲亂山稠疊煙雲蔽我

來躡屐觀遺蹤松陰坐久曾不逢野僧相引山下宿

落霞斜日林梢紅

天台續集

牙部二十九
韋旻

上林人元祐間應舉不第隱于羅洪洞號白雲先生

和陶弼思柳亭韻

白雲飄飄結姻緣半夜鏤鐫舞醉仙五百年來得書記羅洪溪畔浴沂年

宋詩拾遺

徐元用

元祐時人

約東坡遊金山

黯淡灘題一艇橫夕陽西下大江平與君不負平生

約同向金鼇背上行

宋詩拾遺按此詩有爲仙人徐神翁與高宗者首句作作礪灘頭一艇橫

祁彭年

元祐間陽翟人

錫杖泉

昔有高人示化權
曾隨杖錫湧甘泉
巖穿細孔成池沼
香積僧庖待滌蠲

不執寶大師房

枯槁形容七十餘
見人無力出禪居
蕭然丈室常局
戶一炷清香萬慮除

靈岩集

司馬域 厲有

字才叔

華亭峽道中

山似九折坂河非八節灘躋攀復揭厲奈此行路難
嘉禾志

高道華

元氏人祖化始自元氏徙家祥符見雞肋集高
旦墓誌元祐中羅田尉晁仲熙墳見晁仲熙墓
誌

章華臺碑

故國興亡數勤民土木嘉廢臺稱是楚辨物愧非華
輿地紀勝

倪適

元祐時人

留題太山

下列羣山谷萬道霞瑞重重絕頂高獨判天涯第一

口洞天深影無人口

石刻

高景山

元祐間東武人

留宿靈岩

雪霽寒威峻山空晚色新我來何所羨一夕暫閒身
法鼓震虛空靈岩紹祖風老僧禪定後龍虎自相逢
靈岩集

王公亮

字明道元祐時人

挽王隣臣

足穀醫還驗占桑夢亦靈

廬史子弟光輔隣臣郡以經行應詔元祐丁卯賜
第歸未幾因出墜馬傷甚十一日而卒年四十八
王公亮明道挽詞
云云眾咸推服

何宗範

四川青城人元祐中合州巴川令見淨德集以
朝散郎致仕元符元年許再任見通鑑長編歷
官戶部員外郎江西提刑見慕容彥達摛文堂
集

丈人觀

輝赫唐封後尊嚴甯隱初

輿地紀勝

上清宮

仙雲春對客神燭夜流空

何彥國

元祐耆人

景福寺

山留灌木冬長茂巖抱陰雲凍不開滄海未乾徐福
死更於何處覓蓬萊

輿地紀勝

陳二叔

金陵人元祐時貨角梳于市號爲陳角梳與吳
可善

石榴

金刀劈破紫瓊瓢散下丹砂數百粒

藏海詩話

陳宗

元祐時福建漕使

題翠洋驛

畚田高下趁春耕
野水涓涓照眼明
孰道深山最深處
人人解說長官清

江西通志列傳
又尤溪縣志

裴極

河東人畢仲游西台集有和裴傑庫部對碁詩

碧沼寺

一沼光涵四座寒
夕陽回首更依欄
憑師早把香蓮

種他日期來結社看

新城志

袁正規

屬有

字道輔陵陽人元祐中知長樂縣約已裕民修

弊舉廢始屬林通爲長樂圖經

見江亭

地產靈芝古道場危亭陡起負重岡江心遠疊通潮
浪海外遙分異域疆繚繞人家依縣市寂寥烟景認
吳航倚欄望斷暮雲碧不見長安見夕陽

三山志

白雲亭和韵二首

幽奇山水卒難圖亭插白雲景象餘共樂盤蹊還舊
址好編名字入新書面前滄海迷三島林下誰人繼
二疏洞裡蒼龍頭角老埋藏歲月意如何

碧桃溪會創幽亭豈是從前浪得名靜對好山間日

月卻疑塵世有蓬瀛
簷閒自在烟雲合砌下長流風
雨聲林塢不遮滄海闊
暫來還得眼雙明

臨江館

巍然水曲見樓臺
人指安昌邑壯哉般若山頭當戶
外吳航渡口瞰江回
湖平文鷁浮空遠月滿星槎泛
海來投轄不因勤粵主爲憐烟靄共徘徊

望海亭

沈瀛亭前景最豪
委輸江漢任滔滔
蕩雲處處千層浪
沃日重重萬里濤
析木有津連地下
蓬萊堆玉插天高
飄然直欲乘槎去
世累須憑割愛刀

九日亭

崢嶸棟宇壓巍峩九日遊人自在過鳳翅岡高圍海
國龍鱗松古蘸烟蘿齊山景色知難比彭澤風光幾
倍多每上醉來開口笑幽香無奈菊花何

又

不愧嘉名取次題寓情髣髴古人齊菊添細蕊金英
重松覆清幽蓋影低上戴星辰全咫尺傍躔日月自
東西宜將斗酒頻相屬靖節從來到處迷

長樂縣志

韓煜

通江令元祐中朝散郎知撫州

奉親兩載爲民祈蠶作競渡於此以五十六
言卽事

中巴舊說古刀州環壁依城水自流魚米豈殊京洛
在人民輕向死生不我來二載無青眼心歎三農空
白頭修禊何妨書卽事放懷杯酒問田疇

通江縣志

張元孝

元祐時人

醴泉歌

君不見齊城城西范公泉曾照當年范公影范公一
去不復返異時此地成佳景先賢口澤氣尙存甘棠

遺愛誰能並貌公遺像龕公泉千年恆對佗山嶺惟
有此山見此公後樂不廢林泉景古來豪傑宦轍經
山川草木皆引領不獨照耀翰墨光抑且品題丹青
炳願予昔添宗伯省諧世無術傷骨梗一年謫官此
羈棲數向寒泉挽修綆冰壺日日漱瓊液涓滴解使
心常醒平生頗味海內水此與金山可並騁膏澤定
有鬼神護清流自與乾坤永忽復飄然當去茲泉聲
引韻若爲梗坎注詎測源流深鳥鵲空噪梧桐冷君
不見古人飲水必廉泉臨流洗耳須清潁嗟哉此水
可洗心往來祠下宜深省

山東通志
藝文

張熙

高鑄瑁元祐時人

題碧落洞

大豁口幽澈洞天分明平地有蓬山朝元口口歸何

晚故敝瑤局白日閑

廣東通志金石略

張舜民厲有

送龐舅大夫

外家門館未應疏舅氏多能作大夫才命淹向猶半
刺舟船繚繞向三吳興公自有遊山賦鄭老寧無過
海圖去國長年宜自愛不須頻扣步兵厨

天台續集

黃昭

字晦甫元祐中官監察御史

劒池

一劒已飛去千年池尙存浮圖入雲表古寺倚山根
虎踞石形險龍潛水氣昏闔闔成底事遺恨滿乾坤

張舉

字子厚毘陵人蚤登第以侍親不出仕旣終養
遂家居元祐間近臣屢薦雖除官亦不就也與
待制呂子進厚善

呂子進知睦州子追送累日別後寄之

離鷄雲鵬各有程暫時相別未忘情恨君不在蓬窗

底共聽蕭蕭夜雨聲

文定集卷十

王鞏

厲石

全州捲烟閣

長江紫村若練帶晴岫插天如畫屏山高水秀兩奇絕道人對此開禪扃紅塵一點飛不到舉手高可摩天星

欣欣亭

清湘北郭崇岡路松竹年來定幾圍我亦臨淮築新

宅與君萬里對柴扉

廣東通志勝蹟

過池陽

不見當年兩翰林江天爲我結層陰九華門外柳三

丈蕭相樓前松十尋

兩翰林爲滕公甫錢公勰也
輿地紀勝卷廿二

程奇

字具茨元祐時人

遊師堽寺

塵中總總誰青眼黃髮蒼顏世情短坐看前溪一片
雲安得相從任舒卷浩歌聊詠北山薇不有歸心眞自
欺欲借養和延晝夢數聲啼鳥日平西

金石萃編

王莊

字子溫金陵人元祐間設質庫于金陵號王四
十郎

送客

楊花撩亂繞煙村感觸離人更斷魂江上歸來無好
思滿庭風雨易黃昏

藏海詩話

王松

字不凋元祐時設酒肆于金陵號王廿四郎

寄吳可

舊菊籬邊又開了故人天際未歸來

藏海詩話

邢居實廩有

送晁以道

君官泰山北我任漢江東異國俱爲客清樽恨不同
輿地紀勝

棘陽道中

春仲賦南征歲暮復北走區區徒爾爲慚愧道傍堠
岐路劇羊腸重岡九十九馬疲須着鞭袖短難藏手
與君從此別把袂倚衰柳百年但如斯不日成老醜
我本四方人飄泊誰爲偶有意問山神此生復來否

以上輿地紀勝

李孝先 厲有

登江濱水心亭

晚興清無比幽亭積水中
芰荷千柄雨松竹四軒風
鬪鴨飛翎健潛魚靜思沖
飛潛乃常事何足較窮通
春日有感

雨斂輕寒淑氣回曉街清霽斷浮埃
風高柳倦終朝舞歲間花遲數日開
歸夢每逾千里去遠書新過萬山來
旅情宦況都無賴強對韶輝殢酒盃
以上宛陵羣英集
劉槩厲有

元祐中館閣校勘通判鄆州事

靈岩

岑崟千嶂插青霄，殿閣崢嶸霽靄交。
已化靈蛇留逕迹，雙飛白鶴上靈巢。
萬家燈火春迎社，一派泉聲夜滌庖。
投錫此來當有意，獨存秘宇在岩坳。

靈岩集

李鵬 屬有

光化霽景樓

層樓壓清漢，初上便忘歸。
夕靄藏平野，晴煙漏翠微。
城昏晚鴉集，江靜野鷗飛。
何日賦招隱，行吟傍釣磯。

光化

江皋草芽軟，馬首路平寬。
歎老龍鍾態，傷春料峭寒。
月簷茆影亂，風瓦竹聲乾。
喜從佳公子，詩成掣在鞍。

輿地
紀勝

宋景年

字遐叔祠部員外郎元祐中人

題萬年妙蓮閣

上方危閣化無蹤平顧摩空萬桂叢自有蓮華發泥
下何須芝草遍山中石橋暮隔霏霏雨翠壁寒俱懔
懔風彈指憑誰開戶牖向來禪觀仰羣公

天台續集

范純禮

字彝叟仲淹子元祐中累遷給事中吏部侍郎
徽宗立以龍圖學士知開封府卒謚恭獻宋史

附見父仲淹傳

幸太學倡和

四十餘年舊典章聖君今復幸虞庠虎賁萬騎森羅
列雁序諸生儼綴行已見重華同舜帝不須無逸戒
成王祖宗基構隆三代統業相承是肯堂

汴京遺志

廖君玉

字國華荊州人元祐中以朝請郎知循州
建書堂於桂山偃仰其中時作吟咏而政事未
嘗廢也

留題碧落洞

一洞清虛鎖茂林我來尋訪歎何深遊人刻石存真
廢流水穿崑無古今嶺上烟雲長帶雨路傍松桂日
成陰到難未得言歸口且對金罇滿滿斟

廣東通志
金石略

峽山寺

清人耳目中流水壯客精神兩岸山

輿地紀勝

卜育

濟陰人元祐時濟南從事

留題靈巖寺

屈指數四絕四絕中最幽此景冠天下不獨奇東州
夜月透巖白亂雲和雨收甘泉瀉山腹聖日穿巖頭

大暑不知夏爽氣常如秋風高松子落天外鐘身浮
祖師生朗石古殿名般州人巧不可至天意何所留
老僧笑相語茲事常窮求移出蓬萊島待吾仙子遊
長清縣志

范習父

元祐時集賢校理四川轉運副使

岳陽樓

地收楚蜀西南水天與江湖旦暮風

輿地紀勝

君山

可笑祖龍遊不得欲於何處訪蓬萊

又

喻陟 屬有

賀种太守破鬼章

捷報下岷洮威傳萬里遙渠魁咸面縛氛祲卽時銷
聖算百王上神功千古超從茲荒忽地無復恣克驕

其二

黠鹵方干軌王師薄有征摧枯祇俄頃破竹不留行
殺氣收貔虎清風捲旆旌遙瞻紫宸闕稱賀浹歡聲

岷州志

蔡安持 屬有

靈岩

岱宗分秀萃靈岩殿閣崢嶸巖嶂間師感青蛇尋勝
地泉因白鶴貢禪關松梯十里藏歸路僧梵千聲響
夜山暫脫塵纓聊息駕未容心逐片雲間 靈岩集

李格非 鴈有

宇文叔濟南人元祐末爲博士紹聖初爲禮部
郎文高雅條鬯有義味在晁秦之上有詩文四
十五卷

初至象郡

裨海環□□□□國世人恃兩足遽欲窮眡域
心知禹分□未盡舜所陟吾遷桂嶺外仰亦見斗極

升高臨大路郵傳數南北山川來時經草樹略已
投床歸夢長鄉埃行厯厯

去日有近遠寒暑乃不同手提而飲啄嗜慾南北通
是邦亦洙泗人可牛與弓良知盡虛市妙質老耕農
彼時張曲江此時余襄公二子稍穎脫一洗凡馬空
斯文隔裔土後生昧華風閭中要常袞劍外須文翁
秦扁不南遊醫方略嵐瘴口黃秋雨濞與瘧蓋同狀
呪師烏能神適市半扶杖吾欲養黃婆母壯子亦王
妙藥只眼前乞汝保無恙

居近城南樓步月如散策小市早收燈空山晚吹笛

兒呼翁可歸恐我意慘戚從來堅道念老去倦形役
天其卒相予休以南荒謫宴坐及此時聊觀鼻端白
絕句

步履江村霧雨寒竹閒門巷繫黃團猶嫌骭鱗驚魚
鳥父老相呼擁道看

八尺方床織白藤含風滴裏睡曹騰若無萬里還家
夢便是三湘退院僧

以上大全集
一百七十九

林邵

字才中長樂人攄之父官顯謨閣直學士元祐

間荆南提刑

湖南通志
金石略

失題

西來漢水接江流大別山前舊沔州看到夕陽無盡

興一行飛鷺下汀洲

興地紀勝

林敏修

厲有

送劉義仲檢討

時公往鉅野

二年食貧兒女煎大寒客居衣裏穿閉門窮巷氣不
屈誰問過午無炊煙腹中萬卷自得飽冷熱不假世
人憐思歸一日止舊隱牆垣荆棘荒三椽青山不肯
理妙器幅巾卻作康廬仙今年再渡江北船旋買走
馬須日邊卽今日月九天上陛下盱食思求賢結交

老蒼半臺閣亭衢插翼看翩翩朱顏誰復起家念壯
志輸君先著鞭我今憔悴類蟠木斧斤不到終天年
病身無用聊自惜對榻猶堪兩夜眠

三劉家集

次韻寄檢討

時公在鉅野

濟北淮南夢到稀牢愁猶賴酒來微欲知飯顆詩人
瘦正憶長鬚主簿肥應世君方持手板畏人我已著
山衣春來消息甚疏闊從倚高原惜寸暉

同上

林敏功

厲有

與劉義仲檢討別後有懷

燈檠耿夜牕夜雨欲達晨寒雞催曉色結束征車輪

車行馬上霜送子西入秦二年絕廩祿此去當通津
人生萍托水相遇卽相親況我與夫子恩意踰天倫
屈指十日別今君千里人關山行役勞欲雪風怒噴
投身聲利區納足冠蓋塵銅墨不須歎君心知愛民
歲晚勿滯留歸及江南春

三蜀
家集

韓晉卿

字伯修密州人五經中第歷同知壽明二州刑
部郎中兩浙轉運使元祐中入爲大理卿宋史
循吏有傳

洪山

壁立東南第一峯問名知是葛仙翁丹砂竈逼雲頭
近玉井泉流海眼通六字籀文天篆刻數間洞室石
嶢嶢我來整屐層巒上無數羣峯立下風

福建通志山川

韓舜卿

博野韓氏肖胄侂胄之孫皆以卿字行有亞卿
冠卿等名此其兄弟行也南宋時人

羅漢寺

山陰盛事今寥落千古風流屬晉陽況有林泉當列
坐不須絃管送流觴醉揮金枕青春客自濯塵纓白
髮郎一笑相看能幾許卻憐馬首路岐長

天迥雲收霽色空
喬林還遶寺當中
陰森小徑千重竹
蕭颯虛亭四面風
暮靄不與山抹黛
夕陽西下水流紅
自慚怯懦承床底
安得民稱幾寸蔥

以上山西通志

胡僧孺

僧孺字唐臣奉新人
直孺兄有聲元祐紹聖間
陸放翁甚稱之

八百石洞

八百遺跡石室存
神仙杳邈事難論
雲浮絕頂人常見
龍起深潭晝亦昏
信有林泉閒日月
好將名利付乾坤
他年棲隱山疇下
咫尺烟蘿再可捫

江西詩徵

傳求

仙遊人楫從子紹聖元年進士官通直郎

寄張貺

利鎖名韁脫者希
鐘鳴漏盡尚忘歸
獨全志樂能齊物
未達高年遂拂衣
明月數聲仙鶴唳
秋風一尺鱸
肥賞心樂事知多少
只恐蒲輪到釣磯

仙遊縣志

倪昱

羅源人紹聖己丑以薦辟舉教邑庠博物多材
後卒入祀鄉賢

有感夢口占二絕

誰謂仙家隔一方
神遊原不閉毫芒
歸來謾話長年
事老不饒人白鬢蒼

死生常事不須愁
我亦無心任去留
人事重來聊爾
□濁醪脫粟外何求

羅源縣志

宋詩紀事補遺二十九

男侍讀銜內閣中書樹藩校